



AVATANGIISEQ TOQQISSISIMANARTOQ

– illit sullissisutut sullitallu innuttaasoq innarluutilik
akunnissinni attaveqatigiilluarneq





Kolofon

Saqqummersitsisoq: Tilioq 2023

Ilusilersuisoq: irisager.gl

Nutserisoq: Karla Heilman

Nalunaarusiaq ukunannga suliarineqarpoq:
Emma Christensen Tiliumilu sulisut.

Pitsaasumik ileqqorissaartumillu sullissisoqarnermut anguniakkat pingaarnersaat ilaat tassaavoq, tatigineqaqqullutit innuttaasut sullitatit sapinngisat tamaat isumannaatsumik avatangiiseqalertinnissaallu. Sullissisutut illiuvoq innuttaasumut kiffartuussinissamut isumaginninnermullu ingerlatsisussaq, ineriartornissaannut siuariartornissaannullu isumannaarisussaq. Inissisimaffik pingaarutilerujussuuvoq, innuttasullu naligalugit naapissinnaanagillu misiginneqatiginninnertaqanngippat tamanna unittoortissinnaallunilu ajornerpaamik kinguariaateqartoqarsinnaavoq.

Sullissilluartutut innuttaasut isiginiarlugillu tusaaniartuarpavut. **Kikkut tamarmik takuneqarnissaat tusaaneqarnissaallu pissusissamisoorluinnarpoq.** Ajunngitsumik siunertaqarnikkut naleqartitannillu eqinnaatsumik pilersitsinikkut, innuttaasut ilinnut ingerlariaatsinullu saqqummiussannut tatiginninnerat qulakkeersinnaavat. Innuttaasut pisinnaatitaaffigisaat tapersorsorneqarnissaat, kiffartuunneqarnissaat, ikiorsiissuteqartinneqarnissaat katsorsarneqarnissaallu qulakkeerusuppavut. Taakkua inuunermik naleqartumik, namminersuutigisamik pilluarfiusumillu inuunermik pisariaqartitaannik tapersorsorneqarnermik tunniussisarput.



Attaveqatigiilluarneq tatiginninnermik pilersitsisarpoq

Innuttaasut isumannaatsumiinnissaannut periusissat pingaarnerpaataasa ilagaat tatiginninnermik pilersitsinissaq. Innuttaasut tatiginnissinnaasariaqarput inatsisit naapertorlugit pisinnaati-taaffitsik malillugit illit sullissisutit. Tatiginninneq innuttaasumut attaveqarluarninnit pilersinneqartarpoq. Illillu sullissisutut tatiginninnermut sinaakkutit aallaqqaataaniilli pilersinneqarsimannissaat suliassaraat. Attaveqatigiinnermi sinaakkutit toqqissisimanartumik ataqqinnittumillu inissikkukkit, innuttaasup ikiuiumanerit tatigilissavaa, ilinnut ammassapput ikiuutiginiakkatillu suliffeqarfiullu ikiorsiissutiginiagai akuerissallugit.

Inuttut innarluutilittut sullissisumut, pisortani suliassaqarfinnut imaluunniit oqartussaasunut tatiginninnginnermik misigisarneq nalinginnaasorujussuusarpoq. Misigissuseq taanna aqqissuussaannermi katataanikkut isumakkeerneqartutullu misigitinneqarnermi takkuttarpoq. Taamatut misigisaqarnikkut aqqissuussinnermut tatiginnikkunnaarnermik kinguneqartarnera nalinginnaaginnarpoq. Ajoraluartumik aqqissuussanit taakkunanit maanna illit sulillutillu taper-sersuissaatit. Tapersuinerlu tamanna tunniunneqassaaq naak immaqa tatiginninnginnermik ersersitsigaluartut.

Tatiginninnginnerat allanngortinniarsarinngikkaluarlugu tatiginninnginnerannut akuersaarlutit sulusinnaanissat pisariaqarpoq – tatiginninnginnerammi tunngavilersuuteqarluarpoq – tatiginninnginnerallu ilinnut sullissisutut tutseqqunagu tamanna akiorneqartariaqarpoq.

Toqqaannartumik tatiginninnginnerunngikkaluartorluunniit suli toqqissisimanartumik avatangiiseqarnissaq pisariaqarpoq, sullissinerup ingerlanerani sanngeeqqajaanermik ammasuuner-millu ilinnut takutitsisinnaasariaqarput. Inummut tusarnaarusussusermik takutitsisimanngit-sumut ammarnissaq sanngiissusermillu takutitsinissaq ajornakusoortarpoq.

Assigiinngitsorpassuartigut tatiginninnermik annertuumik ineriartortitsisoqarsinnaavoq, ilaati-gut sunniuteqarluartumik attaveqatigiinnikkut, kinaassusaanik takuserusunnikkut tusaaru-

**Krydsilersuunnagassaanani
ileqquuneruvoq
aalajangiinerullunilu.
Nukiuvoq ilinniagassaq.**

sunnikkullu, kissaataat malillugit sullissinikkut, naatsorsuutigisanik neriorsuutinillu attassinikkut neriorsuinikkullu aamma pissaanermik ilinnut tunniunneqarsimasumik atornerluinaveersaarnikkut.

Alloriarneq siulleq tassaassaaq attaveqatigiinnerup isumaginissaa. Ajunngitsorpassuarnik iliuuseqartoqarsinnaavoq. Tamanna attaveqatigiinnermik pilersitserusussusermik piomasaaqatitaqarpoq innuttaasorlu sullitatut inuttut qanoq ittuunera paasinniffiusariaqarpoq. Kikkut tamar-mik tusaaneqarnissaat pissusissamisoorluinnarpoq, taamaattumillu sullissisumik sullitaminik tusarnaarusuttumik sullissisoqarnissaa pissusissamisoorluinnarpoq. Attaveqarusunnermiit attaveqatigiilernissamat arlalinnik alloriarnernik piomasaaqateqarpoq. Aajuku siunnersuutit:

1. Pitsaanerpaanik naammassisaqarfiunissaanut pisariaqartitaannullu tulluurtumik periarfissanik tunniussisinnajumallutit neqeroorutaasinnaasunut, kiffartuussissutinut, sullississutinut, katsorsaannernut ikiuutinillu tamanut sapinngisamik eqqummaarisuugit.
2. Tusarnaakkit: Inuunerat inuunerminnullu suna pitsaanerunersoq, isumaasalu ilaat isumaqataaffigisariannilatit. Tassani killissamik qaangiinginnissat pingaaruteqarpoq. Innuttaasoq imminut tunngasunik nammineerluni aalajangiisinnaassaaq.
3. Piginnaasakillismanerat imaluunniit suna saaffiginnissutigineraat kisiisa pinngikkaluarlugit kikkuuneri apersuutigikkat. Tamakku tamaasa saniatigut kikkuppat? Inuttut nalunngilersinnaallugillu paasisinnaagukkit pitsaanerumik ikiuisinnaalissaatit.

Qulequttat apeqputigineqarsinnaasut:

- Ilaqutaat taakkunungalutit attaveqarnerat
- Sunngiffimmi sammisartagaat, soqutigisaat pilerigisaallu
- Inuit asaatik ilagitillugit qanoq misigisimasarnersut
- Piginnaasakillinnikkallaramik kikkuusimanersut (inunnguutaasimannigippat)
- Meeraanermini eqqaamasaanni nuannarinerpaasaat

Illit innuttaasullu akornassinni attaveqatigiilluarneq sulissutigiuartariaqarpoq. Krydsilersuunagassaanani ileqquuneruvoq aalajangiinerullunilu. Nukiuvoq ilinniagassaaq. Qujanartumik tamatta migisinneqatiginninnermik takutitsisinnaalluarsinnaagunarpugut, taamaattumillu iliuuserisassatuaq tassaavoq misiginneqatiginninnerit inuppalaassutsillu takutinnissaa, aamma innuttaasup ajunngitsortai tatigalugit innuttaasorlu pitsanngoriartornerani atuuffiit qiviarlugu ilisimasallu tunngavigalugit qisuariarlutit.

Taakkununnga aqutissiuutsigit

Innuttaasoq peqatigalugu aallartisarninni innuttaasumut qanoq toqqissisimanartumik isuman-naatsumillu pilersitsinissaq paasinissaanut periarfissatsialaavoq. Nammineq isummat naaper-torlugu innuttaasumut pitsaanerpaq suunersoq, allat qanoq piumasaqaateqarnersut ilinniar-tinneqarnerilluunniit malillugu qanoq iliuuseqartoqarsinnaanerani amerlasuunik isummersor-sinnaavutit. Inuilli tamarmik nuannerluinnartumik assigiingillat, ikiuisussaminnullu toqqissi-masumik tatiginnissinnaanissaminnut assigiingitsunik pisariaqartitsisarput.

Tatiginninnginneq pinaveersaartinniarlugu attaveqatigiinnermut atortut ajornanngitsut ator-neqarsinnaapput. Assersuutigalugu pissutsit siornatigut eqqartoqatigiinnermi qaqilerneqan-gitsut isummersorfiginaveersaakkit. Isummersoreerneq pitsaasuunngisaannarpoq, innersuus-sutigarpullu pisariaqartitat malillugit apeqqutinik amerlasuunik apersuinissaq. Taaguutit oqin-nerusut arlariinnilluunniit isumallit aamma atorsinnaavatit. Innuttaasup suaassusaanut ima-luunniit inooqataata suaassusaanut isummersoreernissaq pinaveersaartinniarlugu oqaaseq “inooqat” “uimut” imaluunniit “nuliambut” taarsiullugit atorneqarsinnaavoq. Tamanna aamma taggisinut atuuppoq. Aamma oqaaseq sorleq atussanerlugu aperisinaavutit. Tamanna taaguu-tinut ataasiakkaanut taamaallaat atuuttariaqanngilaq, aamma isummersuutinut annerumaanut soorlu ikiorsiissutit sorliit perusunneraat qanorlu oqaluunneqarusunnerminnut atorneqarsin-naavoq.



Avatangiisit toqqissimasuutinnissaannut ilitersuut innuttaasumiittuaannarpoq.

Ajornanngitsuararsuusinnaavoq, ass. qanoq oqaluunneqarnersut imaluunniit suliaq taakkununga tunngasoq qanoq suliarinerit apeqqutaasinnaavoq. Inissisimanerat paasinerujumallugu apeqqutit ukua apeqqutigineqarsinnaapput:

”Oqaloqatigiinnitsinni toqqissisimallutillu isumannaatsumiittutut misigissaguit qanoq oqaloqatigissavakkit?”

”Sullinneqarninni qanoq akuutinneqartigerusussinnaaninnik kissaateqarpit?”

”Suliap uumap ingerlanneqarnerani qanoq akulikitsigisumik ilisimatinneqartarusuppit?”

”Illersorteqarnissat kissaatigaajuk?”

”Sianerfigineqarnissat imaluunniit aggersarneqarnissat orniginartinneruiuk?”

”Naatsorsuutigisatit sapinngisannik eqqutinniarlugit arlaatigut iliuuseqarsinnaavunga? (ass. piffissani aalajangersimasuni ataatsimeeqatigalutit imaluunniit ataatsimiinnissamat ulloq ataaseq sioqqullugu eqqaasillutit)“

Tamanna ilisimasagukku kissaatinut naammassinnissinnaanerit pingaaruteqarpoq. Innuttaasup qanimut oqaloqatiginerani qanorlu innissannik oqaluttuussimappatit tamannalu naammassimannikkukku, taava innuttaasup tatigisinnaanngilaatit. Ilinnut sullissinnullu naammassinnaanngisannik naatsorsuuteqarnaveersaarit. Nammineerlutit piginnaasatit killissatillu pillugit unneqqarissuugit. Ilimanarpoq amerlasuunik suliassaqartutit, sulianullu ataasiakkaanut piffisakittarlutit, aamma tamanna ajunngilaq. Nammineq pisinnaasatit eqqarsaatigalugit aamma ilungersorpallaassanngilatit. Toqqissisimanartumik, isumannaatsumik aamma tatiginninnermik pilersitserusukkuit innuttaasullu pisariaqartitai matussuserusukkukit suli iliuuseqartariaqarputit.

Sunniuteqarnerusumik attaveqatigiinneq paasinninnermut tunngaviliisuusarpoq

Innuttaasumut sullissisutut sullissininni alloriarnitit tamaasa paasititsissutiginnissai pingaaruteqarpoq. Tamatuma kingunerissavaa sullissinermi ingerlariaaseq pillugu paasinninnerussapput, imminnerminut aalajangigassat pitsaanerusumik aalajangiiffigilissavaat ataatsimullu isigalugu annerusumik tatiginninnerulissapput.

Qulaani taakkartorneqartut malillugit, sullinneqarnermi qanoq peqataatinneqarusunnertut aperereersimagukkit attaveqatigiinnissinnut sunniuteqarluartunik ikiuutaalluarsinnaasunik akissutissarsilereersimassaait. Innuttaasoq peqataatinneqarusunnani oqarsimappat, sullinneqarnerani sapinngisaq tamaat peqataatinneqartarnissaat isumassarsiatialaavoq. Suliami aalajangiinnermiinnaangikkaluartuni suliaq qanoq suliarissanerit ilisimatitsissutigineqarsinnaavoq. Suliaq qanoq suliarissanerit ilisimatitsissutigineqarsinnaavoq. Suliaq qanoq suliarissanerit ilisimatitsissutigineqarsinnaavoq. Suliaq qanoq suliarissanerit ilisimatitsissutigineqarsinnaavoq. Suliaq qanoq suliarissanerit ilisimatitsissutigineqarsinnaavoq. Suliaq qanoq suliarissanerit ilisimatitsissutigineqarsinnaavoq.

*”apeqqutini tulliuuttuni apererusullutit eqqarsarpunga,
apeqqutigineranullu uani pissutaavoq...”*

”paasissutissat taakku paasissutissaataasivitsinniissapput. Tamanna pingaaruteqarpoq paasissutissat tunniuteqqinnikuusatit nanisariaannaaniassagatsigit aamma kiffartuussissutit sorliit pisimaneritit, qanoq ikiorserneqarsimaneritit qanorlu ineriartornersutit. Tamanna ilinnut ajunngila?”

”tullissaanut takoqqinnissatsinnut, imaaliorusuppunga ... aamma oqaloqatigissavara ... taamaasilluta ilinnut tulluurtumik aqqiissummik nassaarniassagatta. Tullissaanut una suliarissavarput ... tassani peqatigissavarput... taamaasilluta ataatsimoorluta angusaqarniassagatta.”

*”allatut kissateqassaguit isertuanak oqaluttuussinnaavarma.
Ilimmi pisariaqartitannut tunngassuteqarput.”*

*”kiffartuussissutit uumap iluaqutitai tassaapput... ajoqutitalu tassaallutik uku...
Aalajangertinnallu eqqarsaatigisariaqakkatit ukuupput...”*

*”ajunnginnerpaamik atugarissaarnissannut periarfissaqarsinnaanissat
qulakkeerusuppara uangali iliuuseqarnissannut ukua ilinnit
malinneqarnissaat naatsorsuutigaara...”*

Suleriaatsimi uani akuersissut pingaaruteqarpoq. Aalajangiisoqartillugu innuttaasup akuersinera apeqqutigiuannaruk. Akuersinnermut uppersaasaat sakkuuvoq tunngavissaalluarsinnaasoq, tamanna aamma innersuussutigisarpurput, oqaaserlu ajornanngitsuararsuaq soorlu “ajunngila?” sunniuteqangaatsiarsinnaavoq. Taamaattoqartillugu innuttaasup sumut akuersissuteqarneranik paasissutissartaqartassaaq. Pingaaruteqarpoq innuttaasup akuersissutimini nassuiaalluarneqartarnissaa, soorlu ikiorsiissutini kiffartuussissutini imaluunniit katsorsaatini

**Ataqpeqatigiinneq, naatsorsuutinik eqqortitsineq
attaveqatigiilluarnerlu innuttaasumut ilinnullu
attaveqatigiilluarnissinnut toqqammaviliisuupput.
Tassanngaanniit peqatigiillusi anguniakkat pitsaasumik
ataavartumillu qulakkeersinnaassavasi.**

assigiinngitsuni tunniunneqarsinnaasuni suut iluaqutaanersut suullu ajoqutaasinnaanersut ilisimatitsissutigineqartassapput. Paasitinneqarluarsimanngikkunik – paasititsinissaq illit suliassaraat – imminnut tulluurtumik aalajangiinnaangillat.

Innuttaasumut suliaq sullissinerlu pillugit attaveqatigiilluarnermi piumasaqaataavortaaq suliami suna pineqarnerseq eqqummaariffiginissaanut. Amerlasuut oqaluttuareriikkatik uteqat-taartuartsimallugit oqaatigisarpaat, naak tamakkua allakkiarineqartussaagaluartillu attave-qatigiinnginnissinni atuarneqartussaagaluartut. Tamanna aamma taamaapoq suliaq allamiit nangissimagukku. Suliarlu allamut ingerlateqqissagaluarukku pingaaruteqarportaaq, innutta-asumut suliap pitsaasumik misiginneqatiginnittumillu sullinneqarnissaanut paasissutissat ta-makkerlugit sullissisoq paasitissallugu. Naak allatassaqaalukkaluartoq sullissinerup ingerlane-rani nalunaarusiornerit suliamillu ilisimaarinninneq pingaaruteqartunut ilaavoq, taamaaliornik-kullu tatiginninnermik tatiginnittuarsinnaanermullu pilersitsisoqartarpoq. Taamaaliornikkut peqatigiinnissinni aaqqiissutaasinnaasut pitsaanerpaat piffissaqarluarlusi nassaarisinnaavasi. Suliakkiutaannut paasinniinnarnak innuttaasulloi paasinissaannut pitsaanerusemik inissisima-lissaatit.

Ataatsimut isigalugu sullinneqartut isumaat paasinissaanut attaveqatigiilluarnissamut piumas-suseq pisariaqartinneqarpoq. Suliap ingerlarnganut apeqqutilliippata, killiliippata aamma qisu-ariarfiginnippata ajunngilaq. Tamatuminnaga erserpoq, avatangiisimik toqqissisimanarisinnaa-saannik pilersitsisimasutit. Sunniuteqarluartumillu attaveqatigiinneq qulakkeerneqassappat tusarnaarissaq attaveqatigiinnissarlu illuanut nammineq saatsinnissaanut kajumissaarini-saq pingaaruteqarpoq.

Attaveqatigiilluarnermi ingerlariaatsit aqutissallu ersarissut pilersinneqarsimasut tunngavi-galugit soorunami aamma sullinneqartunit illit attaveqariaatsinnut akisussaafileerqarneruvu-tit, kisianni tamatta sullissilluarnitsinni angorusutatsinni, tatigaarputtaa neriorsuutigisimasa-tit eqqutitinneqarnissaannut piareersimasutit. Imaluunniillu sapinngisat tamaat iliuuseqaru-maartutit. Pissutsit aqussinnaanngisagut takkussinnaapput, imaluunniit naatsorsuutit eqquus-sinnaanngitsut naatsorsuutigilertoorsinnaavatit. Tamatumani pingaarnerpaavoq, sionatigu-tut attaveqariaatsit allannguutit ersarissumik ingerlatinneqarnissaat. Kukkusinnaassuseqar-lutit qajannassuseqarlutillu takutissinnaagukku innuttaasup takusinnaanerullutillu paasilluar-sinnaanerussavaatit.

Ataqpeqatigiinneq, naatsorsuutinik eqqortitsineq attaveqatigiilluarnerlu innuttaasumut ilinnullu attaveqatigiilluarnissinnut toqqammaviliisuupput. Tassanngaanniit peqatigiillusi angu-niakkat pitsaasumik ataavartumillu qulakkeersinnaassavasi.

Pissaaneq oqimaaqatigiinngitsoq

Oqaatigineqareersutut innuttaasut innuttaasullu kiffartuussinernut atorfissaqartitaannut illit akunnermiliuttuuvutit. Tassani inissisimaffeqarninni annertuumik pissaaneqalereerputit. Tamanna allaqqunneqarsinnaanngilaq. Taamaattorli kiffartuunneqarnerannut, attaveqatigiinnisinni, ingerlariaatsinilu aqqusaagaanni pissaanerup sunniuteqarsinnaanera aqunneqarsinnaavoq. Najoqqutassiat ilai maleruagassanit inatsisinilu nalinginnaasunit pilersinneqarnikuupput, allalli innuttaasumik peqateqarnermit pilersinneqarput. Aqutseriaatsimi taamaattumi qulliugavit pissaanerup oqimaaqatigiikkunnaannginnissaa qulakkiigassarivat. Tatiginninnermi attaveqatigiinnermilu sunniuteqarnerluutaanissaa pinaveersaartikkumallugu pissaanermik taassuminnga paasinnilluarsimanissaq annertuumik pingaaruteqarpoq. **Pissaaneqarnerit akueriuk imminullu neriorsorlutit pissaanermik tunineqarsimanerit atornerlussanagu.** Inuuvugut kukkusartut pissaanerlu tungaviusutut nukitta ilagaat. Alloriarneq siulleq tassavoq, innuttaasup illillu akornassinni pissaanerup qanoq atuutsinneqarnissaanik ilisimanninnissaq, tulliatullu inissisimavippit ajunngitsumik ullut tamaasa atornerlussaanik toqqaasassagavit.

Pissaanermik matuminnga atuineq ajornerpaamik atornerluinermik aamma nakuusernermik pisoqartariaqanngilaq, paasissutissanilli isertuussinerusinnaavoq aamma assigiinngisitsinerusinnaavoq. Iliuutsit arlaliusinnaapput ilaallu allaniit ilungersunarnerusinnaagaluarlutik tamakku tamarmik pinaveersaartinneqartussaapput. Soorlu attaveqatigiinnermut porsaaneq kulturitut isigineqassasoq, una aamma kulturitut isigineqassaaq, tassa illit tunginniit ataavartitsinermik sulissutigineqartuartaqarpoq.

Pissaaneq taanna ilinnut tunniunneqarnikoq atorluanngikkukku nukissanik tigusisorujussuusinnaavoq.

Pissaaneq taanna ilinnut tunniunneqarnikoq atorluanngikkukku nukissanik tigusisorujussuusinnaavoq. Innuttaasut ilaannut ajunnginnerusumik attaveqartarneq nalinginnaavoq, immikkut ikiorneqarnissamik arlaannik iliuuseqaqqaartariaqartutut misigisimasarneq imaluunniit immaqqa allamiit pissaaneqarnerulluni misigineq nuannarilarlugu. Innuttaasumut nuanninngitsumik kinguneqartumik, eqqarsaatit misigissutillu pissusilersuutinnut peqquaatissallugit ajunngitsuunngilaq. Pissusilersuut tamanna peqquserlunninngussappat, ass. kinguaassiutigut kanguttaatsuliornikkut, nakuusernikkut aamma sioorasaarinikkut sunniuteqassappat tamanna akuersaarneqarsinnaanngilluinnarpoq.

Taamatut eqqarsalernissannik takorluusinnaanngilluinnarnerit tatigaarput, pissaanermilli atornerluinerit annikinnerusut ersinngitsuusinnaapput, aamma iliuuseqarnissamut pilersaaruteqartariaqarpoq pissaanerullu innuttaasumik attaveqarnermi sunniuteqarnera paasineqartariaqarluni. Tamanna peqatigiinnerni annikitsuaqqaniissinnaavoq.

Amerlasuut akuersissummik tunniussisariaqartutut misigisarput, taamaaliunngikkunik kingunerisinnaasai suusinnaaneri annilaangassutigisaramikku, soorlu assersuutigalugu kiffartuussisutit allat neqeroorfigineqannginnissaannik, peerneqarnissaannik imaluunniit allat annilaangassutigisinnaavaat. Pinngitsaaliisoqanngikkaluarluni akuersissummik tunniussisoqartillugu, innuttaasumut nuanninngitsumik sulii kinguneqartarpoq. Pissaanermi oqimaaqatigiinneq innuttaasumut apeqquteqarsinnaanissaminut, naaggaarsinnaanermi, isumakuluuteqarsinnaanermi toqqissisimannginneranut kinguneqarsinnaavoq, tamannalu tunngavigalugu namminerminut ajunnginnerusumik aalajangiisoqarsinnaanngilaq.

Avatangiisimik isumannaatsumik toqqissisimanartumillu pilersitsereeruit, tatigineqalersinnaalissaatit, innuttaasorlu pitsaaneruseqarpoq killiliisinnaalissaaq imaluunniit ajornartorsiutinik eqqartueqatigisinnaanerulissavaatit nalunagulu taakkununga kingunerluutaasinnasunik sunniaviangitsutit.

Immikkoortut taakku tamaasa eqqarsaatigalugit sullissinermik ingerlatsinermi ileqqorissaartumik isumannaatsumillu annerusumik alloriarnissamat pilersaaruteqarnissaq pisariaqarpoq. Ilinniagassaavoq. Pingaarutillit ilaat aakua, neriuppugullu atornissaannut ilinniarumaaritit:

- 1.** Innuttaasut inuunerminnut ineriartornerminnullu namminneq akisussaasuupput, taamaattumillu suut taakkununga ajunnginnerunersut tunngaviumik ilisimangilatit. Ikiorsiissutit tunniunneqartut piunngikkunik imaluunniit allanik perusuppata (tamanna pisinnaatitaaffigippassuk) taava taakkununga tamanna ajunnginnerusuusimassaaq. Tunuartersinnaaneq imminullu oqalutuaannut ilanngunngissinnaaneq, pissaanermi inissisimaninnut aqutissiuusisnermi atuinnginnissamat, piginnaaneruvoq pingaaruteqartoq.
- 2.** Innuttaasut ilinnit ileqqorissaartumik sullinneqassagunik arlaannik ilioqqaatariaqassanngilatit, kiffartuussinernik inatsisitigut pisinnaatitaaffigisaminnik atuinissaminut imaluunniit paasissutissanik taakkununga naleqquttunut pisarsinissaminut. Tamanut tamanna pissusissamisoorluinnassaaq. Inuppalaartumik, ileqqorissaartumik iluasaartumillu iliorsinnaanak misigiguit tunuarnissat pingaaruteqarpoq. Ilaanni inuttarsiuneq akuersaaruminaassinnaasapoq, kisianni sullissisuuguutta innuttaasut pisariaqartitaat taamatut sunniuteqartoqarnissaanut millisaassalluta sulissaagut.
- 3.** Innuttaasoq ikorfartorneqassappat, aqutissiuunneqassappat, ikiorsiissutillu tunniussinnaasatit pissagunigit tunniussaqaqanngilaq illillu aamma tigusaqassanngilatit. Ilinniit tapersorneqassappat tamanna illit pissusaaffigigakku, inatsisitigut pisinnaatitaaffigamikkum aamma inoqatigigakkit tamannalu pissusissamisoorluinnarmat.

Neriuppugut illit sullissisuusutut innuttaasullu akornassinni attaveqatigiinnermik ajunnginnerusumik pilersitsinissassinut malittarisassaq una sakkussatut atorumaarit.

Suliamut uunga tunngatillugu apeqqutissaqaruit attaveqarnissannut tikilluaqqusaavutit Tilioq-p e-mailianut uunga: info@tilioq.gl imaluunniit oqarasuaammut: +299 34 50 90

